

根日損已故戒之曰立心勿恒凶則知吉凶之道豈由天乎哉噫天下之理益而不損則違于謙作而不止則犯乎盈天人皆棄擊之也故諸爻之言益喜益之宜也上六之言莫益即戒益之過也然聖人不但致戒于過益之時而且存戒于受益之際言元吉于初言貞吉于二言中行于三四言有孚于三五未嘗不以益為懼也以益為懼則其所以獲益也終無或擊之來也利天下者宜知其戒而勉之

三三乾下兌上

夬揚于王庭孚號有厲告自邑不利即戎利有攸往 象曰夬決也剛決柔也健而說決而和 揚于王庭柔乘五剛也孚號

道藏輯要

易說下經

三

彙集二

有厲其危乃光也告自邑不利即戎所尚乃窮也利有攸往剛長乃終也 象曰澤上于天夬君子以施祿及下居德則忌 初九壯于前趾往不勝為咎 象曰不勝而往咎也 九二惕號莫夜有戎勿恤 象曰有戎勿恤得中道也 九三壯于頄有凶君子夬夬獨行遇雨若濡有愠死咎 象曰君子夬夬終死咎也 九四臀元膚其行次且牽羊悔亡聞言不信 象曰其行次且位不當也聞言不信聰不明也 九五苋陸夬夬中行死咎 象曰中行死咎中未光也 上六死號終有凶 象曰死號之凶終不可長也 夬者決也以五陽而決一陰之義其為力固無難也然而其

詞之諄諄有戒者因不可以陽盛長而忘有備也此卦以乾
爲體以兌爲用陽抑乎陰之說也故曰夬蓋小人而在君側
必明揭其罪使判然不復與謀始無牽連黨錮之復曰揚于
王庭譬小人之罪也孚于號者樹君子之朋也曰有厲兢兢
惕惕以防竊據之奸也告自邑者表白遐邇無逸志無私昵
不示隙于彼也不利卽戎者小人之處高也匪戎不去而曰
不利卽戎者言戎雖當用不以爲利也苟專恃乎戎而其道
不修其謀不審則勝負反覆之機亦未可必故不利卽戎乃
利有攸往也攸往者進而決之也曰健而說決而和健以斷
之不緩以失其機說以處之不輕以激其變然君子以天下

道藏輯要

易說
下經

三

璧集二
X L X

萬物爲一體如陽德之施無所不及其于小人亦未嘗仇視
而物畜之也惟恐其剝陽以爲世道之累故不容于不去耳
而矜惜之意未嘗不存故雖用壯以決之而若釋痒疴于體
不少失其和也所以謀出萬全光大而有終也象取澤上于
天氣蒸自上而潤及于下故謂之夬君子體之以施祿及下
居德則思蓋兌澤之氣上騰于天化成雨而下降和之至也
其解炎蕩穢則有決小人之意而天下沾其澤也君子去小
人之害物則能施德于天下其亦如造化之和也然苟自居
其德不推功于眾則未免失之媚忌且亦爲羣陽之忌矣夫
初之壯趾權居在下始爲令也陽方微而虞其躁動也曰不

勝爲咎者言前往而不勝則爲咎矣二居柔得中酌事機而
揚號申其令也不任剛壯而善其能戒也曰勿恤內有備而
外無患也三急寇者也四養寇者也曰壯于頄雖義形于色
而反致其疑凶之道也君子于此夬夬以致其決獨行以絕
其應則不牽于私已然與之相遇必若濡而外不爲異有愠
而內不爲同斯善處小人者也四泥于和而失所係故止則
不安進則不前不果于決者也故有其行次且聞言不信之
謂雖勉之使進其孰我信乃爲聰不明也五乘尊以決陰如
決竟陸之易然而獨居于上是可虞也勢接則彼易彌情昵
則此難斷卽過于決其于中行亦無咎也天下有過剛而爲
中者五之中行是也上六以一陰處極其黨將盡其勢將孤
而恃三爲應恃五爲比俱不相協是有號眺求免之意然戒
之曰無號因終當有凶不能免也此雖上六之戒并爲三五
之儆也噫夫之爲義總決一陰以全純乾也蓋陽之與陰其
機相爲屈伸其數相爲勝負陽不長則陰不消然而陽之長
也難陰之滋也易故聖人之所爲汲汲也卦詞不言吉而言
利爻詞不言吉亦不言利者警戒之至恐陽德之易怠而衰
也初之言爲咎也二之言勿恤也三五之言无咎也四之言
悔亡也蓋勉之也亦慰之也三與上皆言有凶者因三與上
無德而私相爲應也壯頄之凶止其應陰也無號之凶絕其

道藏輯要

易說
下經

三

壁集二
X上X

援陽也或曰造化之運行也不能無陰天之生才也不能無
小人易何以絕之之深也君子曰數乖于心則造化或有所
屈道終其用則人事亦有所伸聖人不能使有陽而無陰理
也然能使陰之終不勝陽亦理也聖人不能使小人盡去于
天下勢也能使小人盡去于朝亦勢也故四凶之在剛之未
長也比屋之封剛之乃終也則聖人之扶陽抑陰以健而說
決而和其用意也亦可謂深切而明備已哉

三三巽下
乾上

姤女壯勿用取女 象曰姤遇也柔遇剛也 勿用取女不可
與長也 天地相遇品物咸章也 剛遇中正天下大行也

道藏輯要

易說
下經

三

璧集二
X X 11

姤之時義大矣哉 象曰天下有風姤后以施命誥四方 初
六繫于金柅貞吉有攸往見凶羸豕孚蹢躅 象曰繫于金柅
柔道牽也 九二包有魚无咎不利賓 象曰包有魚義不及
賓也 九三臀無膚其行次且厲无大咎 象曰其行次且行
未牽也 九四包无魚起凶 象曰无魚之凶遠民也 九五
以杞包瓜含章有隕自天 象曰九五含章中正也有隕自天
志不舍命也 上九姤其角吝无咎 象曰姤其角上窮吝也
姤之言遇也夫方決于上而姤復生于下陰有心于合而陽
不疑其來出于不期之遇也此卦以巽為體以乾為用陰蔑
于陽之說也夫陽來為復內之也陰生為遇外之也五陽外